

ՄԱՐԶԻ ԱՆՏԱՌԱՄԵՋ ՀԱՄԱՅՆՔԻ ԱՎԱԳԱՆՈՒ ԵՎ ՀԱՄԱՅՆՔԻ ՂԵԿԱՎԱՐԻ  
ԳՈՐԾՈՒՆԵՌԻԹՅԱՆ ՎԱՐՉԱԿԱՆ ԵՎ ՖԻՆԱՆՍԱԿԱՆ ՀՍԿՈՂՈՒԹՅԱՆ  
ԱՐԴՅՈՒՆՔՆԵՐԻ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 77<sup>1</sup>, 77<sup>2</sup>, և 77<sup>3</sup> հոդվածների և Հայաստանի Հանրապետության Նախագահի 1997թ. մայիսի 6-ի ՆՀ-728 հրամանագրի 1.6 կետի դրույթներով

**որոշում եմ՝**

1. Առաջարկել մարզի Անտառամեջ համայնքի ղեկավարին՝
  - 1) տեղական ինքնակառավարման մարմինների կողմից ընդունվող նորմատիվ իրավական ակտերը համաձայն Հայաստանի Հանրապետության «Հրավական ակտերի մասին» օրենքի 34-րդ հոդվածի պահանջների ենթակա են պետական իրավական փորձաքննության և պետական գրանցման.
  - 2) ընդունվող իրավական ակտերը համապատասխանեցնել «Հրավական ակտերի մասին» Հայաստանի Հանրապետության օրենքի 37-րդ, 40-րդ և 41-րդ հոդվածների պահանջներին.
  - 3) իրավական ակտերի նախաբանում կամ բովանդակության մեջ (որոշումներ, կարգադրություններ) նշել որ նորմատիվ իրավական ակտի, դրա մասի համաձայն կամ ի կատարումն է ընդունվում տվյալ իրավական ակտը.
  - 4) իրավական ակտերում կատարվող փոփոխությունները, լրացումները, գործողության դադարեցումը, ուժը կորցրած ճանաչելը կամ չեղյալ համարելը իրականացնել «Հրավական ակտերի մասին» Հայաստանի Հանրապետության օրենքի 70-րդ, 71-րդ, 72-րդ և 75-րդ հոդվածների դրույթներով.
  - 5) պահպանել համայնքի ավագանու նիստերի գումարման պարբերականությունը, այն է՝ ոչ ուշ քան երկու ամիսը մեկ անգամ.
  - 6) Հայաստանի Հանրապետության օրենքով սահմանված կարգով՝ մրցութային եղանակով, համալրել աշխատակազմի առաջատար մասնագետի /ծածկագիր՝ 3.1-1/ թափուր պաշտոնը.
  - 7) ղեկավարվելով «Համայնքային ծառայության մասին» ՀՀ օրենքի 8-րդ հոդվածի 1-ին կետի «ա» ենթակետի դրույթով, աշխատակազմի քարտուղարին շնորհել Հայաստանի Հանրապետության համայնքային ծառայության 2-րդ դասի խորհրդականի դասային աստիճան.
  - 8) համայնքային ծառայողների անձնական գործերը վարել համաձայն Հայաստանի Հանրապետության ՏԿՆ 2006թ. նոյեմբերի 7-ի N 20-Ն հրամանով հաստատված կարգի և պահանջների.
  - 9) աշխատակազմի քարտուղարի անձնական գործերում տեղակայել նրա կողմից ՏՀՏ տրված գույքի և հայտարարագրերի հայտարարագրման մասին տեղեկանքը, դրա բացակայությունը հանդիսանում է պաշտոնից ազատման հիմք.
  - 10) հաշվապահական հաշվառումն իրականացնել «Հաշվապահական հաշվառման մասին» Հայաստանի Հանրապետության օրենքի պահանջներին համապատասխան, ճշտել սոցվճարների հաշվարկները, փոխադարձ ստուգում կատարել հարկային մարմնի հետ.

- 11) սույն որոշմամբ ներկայացված առաջարկությունները քննարկել ավագանու նիստում և ձեռնարկված միջոցների ու կատարված աշխատանքների մասին գրավոր տեղեկացնել մարզպետին մինչև ս/թ հուլիսի 25-ը:
2. Որոշման կատարման հսկողությունը վերապահել մարզպետարանի աշխատակազմի տեղական ինքնակառավարման և հանրապետական գործադիր մարմինների հարցերով վարչությանը:
3. Սույն որոշումն ուժի մեջ է ստորագրման պահից:

ՄԱՐԶՊԵՏ՝

Ն. ՊՈՂՈՍՅԱՆ